

bis“<sup>15</sup> Ephe. 6: „In ipso summo an-[A 4v:]gulari lapide Iesu Christo, in quo et vos coaedificamini in habitaculum Dei in Spiritu sancto“<sup>16</sup> 2. Corin. 1: „Deus, qui nos uobiscum in Christo confirmat nosque iunxit et nos signauit deditque pignus Spiritus in cordibus nostris<sup>b</sup>“<sup>17</sup>, Galat. 4: „Quoniam estis filii Dei misit Deus Spiritum Filij sui in corda uestra.“<sup>18</sup>

## XIII.

Neque vero obscura sunt testimonia prophetarum in veteri testamento. Sic enim Moses orditur historiam creationis: „In principio creauit Elohim coelum et terram“<sup>19</sup> et paulo post dixit Deus: „Et Spiritus domini serebatur super aquas.“<sup>20</sup> Hunc locum enarrans Psalm 33 inquit: „Verbo domini coeli facti sunt et Spiritu oris eius omnis exercitus eorum.“<sup>21</sup> In eodem cap. Moses deliberationem Dei describit inquiens: „Faciamus hominem ad imaginem et similitudinem nostram“<sup>22</sup> et Gene. 19: „Pluit dominus ignem et sulphur a domino de coelo“<sup>23</sup>, Gene. 47: „Benedicat pueris his Deus, qui pauit me usque ad hunc diem et angelus, qui me eripuit ex omnibus malis.“<sup>24</sup>

## XV.

Exod. 15 insignis descriptio unius veri Dei proponitur, qui populum Israel eduxit ex Aegypto: „Dominus est fortis bellator, Iehoua est nomen eius. Dextera tua Iehoua percussit inimicos et per Spiritum faciei tuae congregatae sunt aquae.“<sup>25</sup> Horum verborum optimus interpres est Esaias cap. 63: „Vbi est, qui Spiritum sanctum posuit in eis? Qui eduxit dexteram Mosi brachio maiestatis suae? Qui scidit aquas ante eos, Spiritus domini ductor eius fuit.“<sup>26</sup> Sic in nouissimis verbis Dauidis, 2. Reg. 22: „Spiritus domini locutus est per me, Deus Israel dixit ad me, defensor Israelis locutus est, qui iustus est gubernator hominum et sic dominatur, [B 1r:] ut dominus timeatur.“<sup>27</sup> Et Psal. 67 ter repetitur appellatio Dei et Filius Dei Immanuel nominatur Deus

<sup>b</sup> Nicht in C, D.

<sup>15</sup> II Kor 13,13.

<sup>16</sup> Eigentlich Eph 2,20.22.

<sup>17</sup> II Kor 1,21f.

<sup>18</sup> Gal 4,6.

<sup>19</sup> Gen 1,1.

<sup>20</sup> Gen 1,2.

<sup>21</sup> Ps 33,6.

<sup>22</sup> Gen 1,26.

<sup>23</sup> Gen 19,24.

<sup>24</sup> Eigentlich Gen 48,15f.

<sup>25</sup> Ex 15,3.6.8.

<sup>26</sup> Jes 63,11f.

<sup>27</sup> II Sam 23,2f.